

33944/P

D I S S E R T A T I O

I N A U G U R A L I S,

D E

MORBIS INFANTIIUM ARCEN-
DIS ET CURANDIS.

Digitized by the Internet Archive
in 2018 with funding from
Wellcome Library

317695

DISSERTATIO
INAUGURALIS,
DE
MORBIS INFANTUM ARCEN-
DIS ET CURANDIS.

QUAM,
ANNUENTE SUMMO NUMINE,
Ex Auctoritate Reverendi admodum Viri,
GULIELMI ROBERTSON, SS.T.P.
ACADEMIÆ EDINBURGENÆ PRÆFECTI;

NEC NON
Amplissimi SENATUS ACADEMICI consensu,
Et nobilissimæ FACULTATIS MEDICÆ decreto;
PRO GRADU DOCTORATUS,
SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS;

Eruditorum examini subjicit

GEORGIUS LOGAN,
CAROLINENSIS.

Soc. Med. Edin. Söd.

Prid. Id. Junii, hora locoque solitis.

EDINBURGI:
Apud BALFOUR et SMELLIE,
Academiae Typographos.

M, DCC, LXXIII.

Twenty
My Davidson

~~from Sir James Clerk~~

~~The Author~~

317695



Patri suo dilectissimo

G U L I E L M O L O G A N,

A R M I G E R O,

Amoris et pietatis ergo;

Item

Viro celeberrimo

A L E X A N D R O G A R D E N, M. D.

Apud C A R O L I N E N S E S,

Summo cum generis humani commodo,

Suaque laude meritissima,

Artem Apollineam auspicato et feliciter exercenti,

Studiorum liberalium fautori eximio et patrono;

Nec non

J O A N N I F I E L D,

Pharmacopolae Londinensi peritissimo,

Ob benevolentiam adversus se

Multoties et plane adhibitam;

Denique,

J U V E N I O R N A T I S S I M O,

R O B E R T O P E R O N N E A U,

A R M I G E R O,

Qui, animi et ingenii optima quaque dote beatus,

Haud dubie familiae, amicis, ac patriae,

Decori quandoque futurus est,

Propter illam amicitiam, quae sibi cum eo,

Per complures annos, intemerata et stabilis intercesserit;

Hancce dissertationem sacram esse voluit

A U C T O R,

Errat enim, sed neque errore erudito, qui naturam artis adminiculo ubique indigere existimat; namque id si fieret, parcius humano generi ea prospexisset quam postulat speciei conservatio.

SYDENHAM.

DISSERTATIO

DE

MORBIS INFANTIUM ARCEN- DIS ET CURANDIS.

PARS PRIOR.

PRO O E M I U M.

VIX aliud genus humanum tantum ab animantibus reliquis, quantum infantia sua longa et diuturna, fecernit. Caeterorum animalium progenies, usque a partu valentior, negotii parum eam nutrienti faceffit, auxiliumque mediocre tantum desiderat; instinctu multiplice praedita perfectionem, a natura datam, cito attingit, et sibi prius consuluit, quam parentes rursus, quod brevi faciunt, coëant, et altera nova soboles renascatur. Hebdomadae paucae, ad plurimum menses non multi, officiorum parentum et amoris in prolem suam finem facere consueverunt.

Contra, si animum ad historiam generis humani naturalem rite considerandam adjungas, tibi longe diversa in oculis sita sunt. Infantia sua taedii plena et longa est, et morbi, quibus obnoxia, quamvis pauci, obscuritate

ritate summa involuti, curam maximam et attentionem diligentissimam nunquam non exigunt.

Ex modo, quo infantulus prima aetate nutriatur, firma ejus valetudo, corporis vigor, et ingenium, quantum ad societatem hominum et conjunctionem attingat, bonum pravumve, per totum vitae decursum, magnopere pendet. Haud ideo mirandum est, cum medicos tum philosophos ad argumentum hoc, tam utile tamque grave, sedulo perpendendum tantum incubuisse, et theorias in eorundem investigationibus excogitatas, et non pauca in lucem prolata fuisse, quae nemo, felicitatis mortalium genuinae promovendae cupidus, a sese aliena esse putat.

Morbos, nihilominus, quibus corpus humanum sit objectum, quicumque diversos contemplatur, qui infantes infestant, eos nondum satis accurate et plene scriptores executos esse, compertum habebit, licet generis humani salus et conservatio, ex cura in periculum omnigenum ab infantibus propulsandum insumpta, manifestissime pendeat.

Soboles humana nutricatum magis accuratum, opemque magis continuam, quam caeterorum animalium, sub initium vitae, requirit; et, his etiam diligenter adhibitis, morbis mortique multo magis patet. Si vero parentes, in liberis suis educandis, ab exemplo naturae non tantum deflecterent, plus sibi vigeret progenies, et adversus morborum violentiam magis tuta foret. Hoc abunde probat exemplum Indorum qui Americam, Barbarorum qui Africam, incolunt; hoc etiam puerorum nostratum parentibus pauperioribus

bus ursorum, qui, nec luxuriose nec molliter aliti, pignora divitum, corporis viribus et vigore longe praecedunt, cohorti morborum illi metuendae, quae terris incubuerit, minus objecti.

Cum medici munus et artis suae consilium attenti perpendimus, neutiquam dubitari potest, quin illius sit, non tantum morbos sanare et levare, sed etiam, ne invadant, cavere: Dissertatiunculam igitur nostram in duas partes dividendam putavimus; quarum prior, de morbis infantum arcendis; posterior, de morborum, quibus pateant, causis et curatione, aget.

Pueros autem a morbis tuentur ratio eosdem per infantiam nutriendi idonea, vestitus, cibus, exercitatio aetati tenellae accommodata, aer salubris. De singulis pauca dicenda.

C A P. I.

DE INFANTIUM VESTITU.

QUANTUM vestitum spectat, natura non tam infanti humano, quam aliorum animalium soboli, cui talem vestitum dederit, qualis, calori materno adjunctus, eam adversus frigus fatis tutam conservet, benigna prospexit. Proles humana absque ullo vestitu naturali in lucem prodit; unde majorem frigoris gradum, quam vulgo creditur, ab illa sustineri posse patet.

tescit*. Quae hoc probant exempla complura non defunt. Infantuli omnis vestitus expertes, cum temporibus antiquis, tum recentioribus, aëri frigidissimo in spatium longum, idque tuto, saepius obiecti sunt, modo in locis solis et vastis, modo in viis urbium celebrium publicis, a matribus crudelibus destituti.

Vestes infanti vix justo leviores esse possunt, cum adulto, caeteris paribus, calidior sit, et igitur non adeo vestitus indigeat. Nutrices vero delirae frigus ad pueros in lucem recens editos, absque summo periculo, adspirare non posse sibi in animum induxerunt; et igitur copia vestium superflua quam primum onerandos esse curant; unde pernicies illis miseranda non raro oriri consuevit. Effectus autem vestitus nimii nunquam magis funesti sunt, quam cum fasciae simul adhibentur, quae, corpori diu admotae, citius seriusve deformitatem, saepius pulmonum vitia, progignunt. Haec mala quidem foeminas magis, quam mares, invadunt. Quibus pueris vestimenta corpus nimis constringunt, haud illis motus intestinorum proprius rite peragitur, nec artus satis moventur, nec vires parvulae facile libereque, uti decet, exercentur; igitur invalidi sint oportet. Quinetiam, circuitus sanguineus fasciis similibusque plus satis repressus et retardatus, tumores in corporibus eorum tenellis saepius excitat, quos nutricula, quam vera illorum scaturigo omnino lateat,

* Gregory's Comp. View, p. 43.

lateat, ab aliqua causa miranda et incredibili profluere superstitiosa contendit.

Contra, matri, cui tanta vestium copia minime suppetat, prolem suam leviuscule tantum indutam, brevi valentem, vigentem, et opis alienae haudquaquam indigam, videre contingit. Limitibus naturae, paupertate sua ita jubente, continetur, et felicitate, cujus neutiquam conscia sit, cujusque causam prorsus ignoret, perfruitur; dum infantulus valetudinarius et infirmus, magnae familiae spes et haeres, mole vestium graviore oppressus languescit, et tandem opinionum nutriculae infanientis, quam longissime ab omni ratione abhorrentium, vel amoris materni nimii et curae perperam collocatae, poenas, proh dolor! horrendas persolvit.

Infantes, per menses quatuor a partu proximos, modico foveantur calore; postea vero vestes illis sensim imminuantur. Nec calceamentis nec tibialibus utantur; quippe quae, ab urina caeterisque madefacta, saepius in causa immunditiae foedissimae sint, et anxietatem vagitumque fere continuum, aliquando etiam convulsiones, cute tenella irritanda, &c. ciere soleant.

Inter omnes autem, nihil ad valetudinem pueri tuendam corpusque firmandum plus posse conferre, quam eum ab omnibus sordibus prorsus immunem servare, firme consensum.

Vestimenta illi subinde mutantur. Quidam huic, plane fatendum, acriter adversantur, et puerum, quo saepius vestes mutat, eo magis habitu corporeo tenuem debilemque

debilemque fieri putant. Caeterum haec opinio, utpote quae nil nisi praejudicium, quod animis vulgi altius infederit, absurdum et ridiculum sit, ex toto repudianda.

C A P. II.

DE RATIONE VICTUS INFANTIBUS IDONEA.

QUALIS puerorum cibus sit, et quo tempore administretur, plurimum interest.

Ars, nisi instinctus exemplar in pueris tollendis accurate sequatur, tantum abest ut prosit, ut etiam magnopere noceat; in errorem, hoc duce, rarius incidit. Quid autem a naturae institutis, quam consuetudo ubera materna puero, ante diem tertium, non admovendi communis, magis alienum? Quid infanti, quid matri, magis nocivum?

Quod priorem spectat: Oppressus labore partus et defatigatus cibum, hoc tempore, quam maxime depostulare videtur; et, eo negato, tantopere saepe languescit, ut non multum absit, quin, luce vix adhuc conspecta, fato fungatur. Igitur mirum vagitus pueriles, qui haud dubie pro voce naturae alimenti praesidium enixe precantis habendi sint, a parentibus aliisque adeo despectui haberi.

Quinetiam materia viscida, quae vulgo Meconium audit, intestina puerorum magna ex parte replet, e
canali

canali alimentario quam primum foras eliminanda. Hoc autem, ante omnia alia, praestant primae lactis humani secretiones, vel, uti appellatur, Colostræ, quippe quae vi purgatrice et stimulante polleat. Lac igitur maternum, alimentum omnium longe saluberrimum, ab hora natali usque, si fieri possit, puero dandum.

Quod ad posteriorem attinet: Febris, quae a lacte nomen habet, tantamque stragem nonnunquam edit, seu a mēstruis suppressis et humoribus copiosius solito ad ubera delatis, seu, ut aliis placet, a lacte in vasis mammarum stagnante, et acri reddito, ortum ducat, fūctu maturo saepius arcetur.

Haec de consuetudine pueros cibo a natura sibi parato, in tot dies, defraudandi perniciofa dixisse sufficiat.

Matrem unamquamque infantem suum lactare decet; hoc naturae vox, hoc valetudinis suae cura studiumque jubent.

Mulier, dum se totam in pueris suis nutriendis ponit, morbis plerisque vacat; quam maxime viget; et raro, prout observatio accuratissima docet, feto concedit. Mens illi plerumque erectior, facies pulchrior et rubicundior evadit; appetitus augefcit. “Matronam nobilem, inquit Swietenius * celeberrimus, probe novi, cui, licet pueros octodecim enixa fit, omnesque lactarit, pulchritudo flosque juventae adeo non imminuta
sint,

* Vide Comment. in Aph. Boerhaav. 1354.

sint, ut filiarum soror, quam mater, etiamnum videatur.”

Num lac humanum, ante omnia alia, pueris necne conveniat, proximum est ut inquiremus.

Cum homines ad naturam animalium carnivororum aliquatenus accedant, cibus infantilis ex oleribus solis constare non debet. Lac autem maternum misturam indolis animalis et vegetabilis illam genuinam, quae corpori puerili nutriendo optime inserviat et facillime concoqui possit, plane constituit. In modum cibi ex oleribus solis conflati acescit, licet fermentationi vinosae non pateat; ad instar cibi animalis nutrit, licet alcalescentiae nocivae non opportuna sit. Haec igitur naturae corporis humani quam maxime accommodatur.

Non defuerunt tamen auctores nonnulli, qui hanc pueros nutriendi rationem omnino condemnarunt, et in usum lactis humani acriter inveci sunt. In his fuit Helmontius, qui in locum lactis humani cibum, nec naturalem, nec aetati infantis tenelli congruentem, substituendum, puerosque suos eodem alendos, curavit. Hic autem e cerevisia tenuiore et pane, portuncula mellis illis admista, constabat: “Laudo, inquit *, pro puero nostro, alimenta, quae pane tantisper in tenui cerevisia bullito, cum melle despumato; sin-

minus,

* Vide cap. de Nutritione Infantum.

minus cum saccharo, instituuntur, donec simul in mucilaginis, aut collae speciem, sive gelatinam, deveniunt."

Lac humanum verò non adhibendum esse contendit, quoniam acescit, et morbos periculosos gignit, quoniamque nutrices, non solum morbis corporum suorum, sed vitiis animorum quoque, pueros inficiunt, et eosdem, nisi jam grandiusculos, lactare non desinunt. Multa praeterea subjicit, quae non minus absurda sunt, nec a ratione et veritate minus abludunt.

Quod ad misturam Helmontianam attinet, multo magis quam lac humanum acescit, et morbos citius faciliusque movet.

Quantum metum ejus, ne morbi nutricis cum puero communicentur, spectat; hoc quidem, si valetudine prospera non utatur, accidere potest; quo vero totum hujusce generis periculum praecaveatur, sana et omni vitio vacans quam diligenter et curiose quaerenda.

Quod de vitiis animi e nutrice in puerum translatis in medium profert, nulli alii fundamento quam conjecturae merae, qua nihil fallacius, innititur; experientia enim quotidiana, pueris eodem parente genitis, eodemque lacte nutritis, mores et ingenia quam diversissima fuisse, fatis evincit. Quinetiam auctor ingeniosus *, super hoc ipso argumento verba faciens, se lacte mulierculae bibacis, per totos menses octodecim, nulla corpori animove noxa illata, nutritum esse testa-

B

tur.

* Brotizet für l' Education Medicinale des Enfans, page 175.

tur. Hoc etiam amplius adjiciendum putavit: Nonne illis quoque, qui lac humanum ut causam mentis corporisve morborum repudiant, stupor asininus libidove caprina, cum pueri nonnunquam lacte horum animalium victitent, pertimescenda sunt?

Quicumque puer a matrè vel nutrice lactatur, et non forbitionibus, aliisque id genus stomacho suo alienis, nutritur, is adversus multa incommoda tutus est.

Quantum necessarium tantum et nihil amplius fere fugit, imperio naturae, quae illum haud unquam neglectui habet, subiectus. Sin vero ventriculum aliquando lacte nimis distendat, periculum exinde oriundum vomitus sponte sua motus, absque dolore, et quasi momento, tollit:

Qualis nutrix esse debeat, diligenter considerandum.

Si mater, ob lactis defectum vel quamlibet aliam causam, infantem suum nutrire non possit; haud dubie, si instinctus exemplum aemulari velis, nutrici, quae nuper pepererit, quae corpore firma sit, quae pueris lactandis assueverit, committendus est: Nam a lege naturae, nisi propter causam gravissimam, quam minime deflecti debet. Agendum est, ut nutrix nec admodum adolescentula, nec aetate nimis provecta sit; ut nulli morbo a labe hereditaria oriundo pateat, nec ad iram caeterosque affectus animi violentos proclivis sit; ut oleribus potissimum victitet, et exercitatione modica utatur.

Qualia

Qualia edulium potusque infantibus conveniant.

Omnia ex farina triticea non fermentata, ovis butyroque confecta, vitanda. Cibus enim hujuscemodi, licet a plerisque levis esse censeatur, aegre concoquitur, et appetitum prostermit. Crusta vero farinacea igni nimis indurata vel semiusta, quippe quae vim olei empyreumatici et potestatem habeat, ante omnia alia, ventriculum laedit. Liquores fermentati, cujuscunque generis sint, et omnia condimenta, pueris male conveniunt; quoniam, potestate concoctrice, praeter modum exfuscitata, saepius in causa sunt, cur tantum cibi et potus in ventriculum ingurgitetur, quantum vires non reficiat, sed opprimat et labefactet, necesse est. Hinc acor primis in viis morbosus non raro proficisci solet.

Potus puerilis, ex aqua simplice, vel lacte aqua diluto, constabit. Cibus, pro appetitu, magis minuve copiosus sit. Si avide sumunt, ad libitum usque edant.

Cum pueros forbitionibus solis nutrire, ab omnibus naturae institutis et exemplis quam maxime alienum sit, de eo nihil omnino hic loci dicendum putamus. Si mater, quod pepererit, lactare nequeat, vicem ejus, uti supra positum, nutrix sana valensque praestet oportet.

C A P. III.

DE EXERCITATIONE, AERE, ET CETERIS,
ÆTATI INFANTILI CONVENIENTIBUS.

Omniſus ad veſtitum cibumque puerorum ſpectanti-
bus proviſis, ad exercitationem, aëra, et cetera, iſdem
maxime idonea, dicenda venio.

Si corpus humanum oculis ſatis attentis contem-
pleris, exercitationi motuique plane et perſpicue ac-
commodatum eſſe, lubens concedes. Num natura om-
nia nobis membra, ſi deſidia inertiaeque deſtinata fo-
rent, tanto vigore tantaque mobilitate inſtruenda cu-
raſſet ?

Exercitatio multum adulto, plurimum infanti, pro-
deſt.

Huic tanta ad motum proclivitas ineſt, ut ipſe non
eo ſolum oblectetur, ſed omnia circa ſeſe moveri ve-
lit.

Quinetiam corporis infantilis conditio talis eſt, qua-
lis exercitationem plane requirit. Pueri, quibus non
multum aetatis adhuc acceſſerit, magis viſcerum conge-
ſtionibus, quam adulti, patent. Illis vaſa ſanguinea,
praefertim cerebri, laxa et turgidula ſunt ; ſecernentia
haud ſpeciem diverſam prae ſeſe ferunt, humoribus
viſcidis oppleta ; hepar et lien magnopere diſtenta
maximam abdominis partem replent. In noxas autem

ab

ab hac laxitate conspicua oriundas, nihil aequè potest ac exercitatio, quae artubus vires et agilitatem, corpori universo vigorem, conciliat. “Minuit periculum (inquit Hallerus*) stagnationis, ventriculi robur auget, et digestionem adjuvat, cordis viribus auxiliatur, arteriosum sanguinem conquassat et terit, venosum accelerat, adipem sanguini reddit, omnesque secretiones et excretiones regit incitatque.”

Pueri non satis exercitati torpescunt, hebescent, iracundi fiunt, et talem sibi mobilitatem acquirunt, qualis fundamina multis morbis futuris, non solum infantiam, sed aetatem quoque provectiorem infestantibus, velut rachitidi, dentitioni difficili, et aliis non paucis a systemate mobiliore ortum ducentibus, prima et nimis firma jaciat.

Duo autem exercitationis infantilis genera sunt.

I. *Unum admodum puerulis convenit.*

Complures infantium, qui paucos menses solummodo nati sunt, saepiuscule tantopere vigent, ut parum interdum absit, quin e gremio nutricis exiliant.

Pedes motant, brachia parvula jactitant, et arbitrio suo permissi huc illuc sese volutant. Quaenam vero exercitatio, hoc tempore, tutissime adhibetur, est jactatio in tempus diuturnum continuata. Hac igitur nutrix ipsa alumnum suum constanter affuescat, quoniam exinde non minus fructus, quam infans, capi-

* Prim. lin. de mot. musc.

et. Mater, si morbo cuilibet nervoso pateat, idem faciet, et magis, si lac infantem nutriendi parcius feceratur, quoniam mammae humorem suum, corpore leniter exercitato, magis ubertim * effundunt. Exercitatio hujuscemodi modica, in aliquot menses, infanti sufficiet.

II. *Alterum illis, quibus aliquanto plus aetatis accesserit.*

Quaedam animalia, aliquamdiu post partum, exercitationem refugiunt, et quiete desidiaeque gaudent; qualia sunt catuli, feles, &c.: Contra, nonnulla recens nata semet plurimum exercere consueverunt, velut pulli equini, agni, vituli, &c. quibus vires tantas, ut matres suas usque a partu, fugendi gratia, sequi possint, natura subministravit. Quod homines spectat, res longe aliter sese habet; omnis enim illorum exercitatio ab auxilio alieno petenda.

Caeterum, puerum ad eam aetatem jam pervenisse ponimus, qua semetipsum exercitare possit. Octo novemve menses natus quadam deambulandi cupiditate flagrat. Haud amplius igitur in sinu nutricis gestabitur, quod quidem profecto nimis frequenter fit, sed, quantumcunque sibi placuerit, pro viribus repetit vel ambulabit.

Nulla instrumenta arte fabricata, dum puer ambulare docetur, adhibenda sunt; quoniam deformitatem corporis non raro procreant. Quinetiam motum infanti

fanti naturalem et perneceſſarium impediunt, unde incrementum illi tardius procedit, viresque labascunt.

Matres nonnullae copiam liberis ſuis per ſemet ambulandi non concedendam eſſe putant, ne in conſuetudinem incedendi pravam incidant, et ſeipſos multis injuriis externis, quales ſunt iſtus, caſus, &c. objiciant. Nihil autem hujusmodi timendum; nam injuriae externae multo minus, quam inquietudo illa perpetua et graviffima, quam ſervitio preſſi, et machinae firmiter alligati, exhaurire ſoleant, nocebunt. Quaecunque pueri manibus contingere cupient, ad ea, quam primum quadrupedes prorepere poſſunt, uſque ab aetate prima, et abſque ope aliena, accedant. Cupiditas illa inſignis * omnia tangendi, et attente conſiderandi, pueris inſita, prudenter fovenda, nec illis libertas huc illuc, pro arbitrio, ſeſe motandi unquam neganda.

III. *Qualis aër pueris aptiſſimus ſit.*

Quantumcunque puerum exercitaveris, parum vel nihil omnino proficietur, ſi coelum illi undique circumdatum grave ſit, vel inquinamentiſ ſcateat. Igitur aëre puro, ſudo et ſereno, qui non alibi quam in oppidulis ruris quaerendus eſt, ſemper fruatur. “Urbes, inquit celeberrimus Rouſſeau †, illa horrenda generis humani ſepulchra, incolis brevi carerent, ni ruſ ſupplementum novum quotannis ſufficeret.” Sin autem

* Vid. Greg. comp. view.

† Sur l'éducation.

tem aër urbanus adultis tantopere noceat, quod haud dubie fit, quanto magis infantes, quibus sensibilitas mobilis atque systematis major fit, laedat necesse est? Plurimum halitu mephitico e pulmonibus humanis constanter exhalante imbutus non noxas suas longe lateque diffundere non potest.

Quinetiam nihil magis pueri valetudini, quam aër conclavis calidi, frequentia hominum magna nimis conferti, alienum esse potest. Nutrices igitur alumnos suos omnibus spectaculis, quibus numerus mortalium ingens, in domum cubiculumve angustius condensatus, assideat, diligenter abstineant. Nonne hoc neglectum infantibus compluribus mortem saepius intulit, licet origo mali parentes medicosve ex toto latuerit? Consuetudo praeterea propius ignem pueros habendi, quippe quae irritabilitatem corporis adaugeat, haudquaquam periculo vacat. Contra, aëri frigido et omnibus ejusdem vicissitudinibus, ratione sexus, viri-um corporis, frigoris regionis proprii, semper habita, sensim objiciendi sunt; quo in posterum quolibet coeli mutationes, frigore non collecto, et valetudine prorsus integra et illibata, tolerare possint.

Antequam partem hujusce dissertationis primam ad finem perduco, pauca adhuc in medium proferenda superfunt.

Ut puer ante partum somno fere perpetuo obruitur, ita in lucem editus multum arcteque dormit. Cui somnus non frequenter obrepit, ille nec valet nec viget. Quo minus aetate processerit infans, eo saepius diutiusque

diutiusque dormiet. Haud unquam prius e somno, quam sponte sua exspersgiscatur, excitandus est. Si vigilans satis exercitatus fuerit, in somnum postea quam facile illabetur.

Infantes, ut moris omnium fere gentium est, recens nati lavantur. Quae mulieres isthmum Americanum incolunt, protinus a partu cum infantibus suis in aquam frigidam, idque sine noxa, semet immergunt.

Pueri per totum infantiae suae decursum ob omni immunditia et fordibus nimis alieni esse nequeunt. Aestate semel vel bis singulis diebus frigida laventur oportet. Idem hyeme quoque, frigore aquae aliquantulum imminuto, fiat. Vires majores tandem adepti, in frigidam, mane unoquoque, ex toto demittendi sunt, quod, ante omnia alia, corpora eorum tenella firmat. Documentum hujus satis luculentum praebent, ait Young *, vir laude meritissima florens, puerorum, qui usu balnei frigidi quotidiano infueverint, corpora valida et vigore plena.

Haec de morbis infantium arcendis dixisse sufficiat. Quicquid ad argumentum hujuscemodi jure spectare videtur, id leviter percurri, et, ut ab institutis et exemplis naturae quam minime deflectatur, quod in pueris tollendis primum et summum esse duco, ubique studiose et diligenter hortatus sum.

* Vide Praelect. manuscript.

P A R S A L T E R A.

AD partem opusculi nostri posteriorem jam venimus; in qua paucula de morbis, quibus infantes obijciantur, exponenda suscipiemus.

Quidam systematici, nempe Brouzet, Astruc, caeterique, infantes tot morbis, quot adultos, patere contenderunt; ideoque multorum symptomatum, non morborum, historias curationesque tradiderunt. Nos autem, hic loci, de Aphthis, Hydrocephalo, Rachitide, et Dentitione, solis dicemus. Hi morbi pueros potissimum invadunt; epidemici enim, et ortum a contagione ducentes, quales variolae, rubeolae, tussis convulsiva, caeterique, infantiam et aetatem adultiorem ex aequo infestant. Auctores nonnulli vermes, scrophulam, et convulsiones, morbis infantilibus accensuerunt: Vermes autem et scrophula in pueritia, non infantia, sese ostendunt; convulsiones sunt mere symptomatae, nec infantibus peculiâres, utpote quae symptoma morborum complurium plane constituent, et adultos non paucos rapiant.

C A P. I.

D E A P H T H I S.

Hic morbus in ore, et in toto canalis alimentarii decursu, sedem habet; et pueros, modo protinus a partu, modo ferius, invadit. Regionibus frigidis humidisque proprius est; licet zona torrida vim ejus non semper evaserit. Swietenius eum plagas calidiores nunquam infestas habere contendit: Sed in hoc erraverit necesse est; cum Hillarius* eundem in insula Barbadoensi epidemice grassantem, pluvia ingenti et copiosa calores nimios excipiente, se vidisse testetur. In terris tamen ad septentrionem spectantibus magis communis, magisque funestus.

Aphthae in multis morbis acutis, velut in dysenteris, febribus inflammationem habentibus, et nervosis, variolis, morbillis, aliisque compluribus, sese symptomatice persaepe commonstrant: Morbus vero, quem tractare decreverim, idiopathicus est, et infantes tres quatuorve hebdomadas natos invadit; licet illos, qui septimanam primam nondum excefferint, aliquando corripiat.

SIGNA. Hunc morbum saepe praecedunt convulsionibus; et symptomata reliqua ordine sequenti se manifestant.

* Hist. of diseases of Barbadoes, p. 18.

nifestant. Infantulus speciem dormientis prae se fert; at palpebrae ejus non ex toto committuntur; et, si accuratius inspicias, niſtare videntur. Motus musculorum faciei labiorumque tremulus adest, qui risum quendam reddit. Morbo ingravescente, puer respiratione ex toto fere suppressa laborat, suspiria ducit, subsilit. Convelluntur artus. Spiritu infra suprave foras eliminato levatur; caeterum brevi postea convulsiones rursus accedunt torquentque, donec vagitus immodicus paroxysmo finem imponat, quem complures idem genus excipiunt.

Si in fauces introspicias, lingua, et tota superficies oris interna, papulas parvulas albescentes repraesentat, quae, numero et magnitudine crescentes, inter sese coeunt, et crustam leviusculam albidam, partes faucium interiores adeo succingentem, ut os coagulis lacteis caseove manducato repletum videatur, constituent.

Morbus, si mitior, ore plerumque continetur: Aest saepe malignus est; et maculae universae, pro colore albo flavum, fuscum, aut subnigrum induunt, et tunicam intestinorum villosam, ad rectum extremum usque, obducunt. Adest plerumque febris inflammatoria vel nervosa; ingens calor oris, quod adeo exulceratum est, ut infantulus fugere nequeat; quod quidem signis gravissimis annumerandum. Dein subeunt inquietudo, diarrhoea vomitusque biliosus, vigiliae, singultus, et omnia mortis instantis praenuncia.

Ita

Ita sese habent indicia, quae hujus morbi maxime communia sint, et medico innotescant; forsitan multo plura sunt, quae, ob aetatem aegrotantis tenellam, adstantes omnino lateant.

CAUSÆ. Variæ, apud auctores, hujusce morbi causæ referuntur; illarum vero paucissimæ medentis attentione dignæ videntur. Boerhaavius *, et Astruc †, ab obstructione et acrimonia muci in ore, faucibus, gula, caeterisque, excreti; Ætius ‡, auctor vetustus, a concoctione puerili læsa, et pravis cibi dotibus; Smellius ||, a ventriculo laxiore, et a secretionē bilis deficiente, oriri contendunt.

Nec Boerhaavio illustrissimo morbum a lentore muci, in ore caeterisque excreti, pendere assentior; nam, si res ita sese haberet, aphthæ in omnibus catarrhis sub initium, et in febribus, præsertim inflammationem habentibus, sese ostenderent, et mortem sæpius inferrent; Nec in sententiam Smellii concedere volo; quoniam ratiocinium illius hypothesein meram omnino sapit. Quod bilis defectum spectat, alvus foeces sæpe biliofas excernit.

Num Ætio accedemus, et qualitates cibi infantilis pravas pro causa morbi habebimus? Haec opinio, me iudice, non longe a vero distare videtur; quoniam, nutricem cibumve mutando, morbo sæpe medemur.

An

* Vide aph. 978.

† Sur les maladies des enfans.

‡ Vide op. fol. p. 71.

|| Vol. 1. p. 435. octav.

An dotes aëriæ, sensibus percipiendæ, morbum ciere solent? Cum apud plagas frigidiores, tempestatibus humidis frigidisque, plurimum semper grassetur, causa non abesse videtur, cur frigus, cum aliis saltem causis remotis conjunctum, licet modus, quo agat, nos huc usque latuerit, causis ejus principibus accenseamus.

RATIO MEDENDI. Cum causas hujusce morbi, ut et aliorum complurium, plenius investigare aut explicare nequaquam in promptu sit, non est cur mireris, quæ in medium proferamus, curandi consilia tenebris, aliqua ex parte, involuta jacere. Quæ remedia felicissime cesserint, et si qua alia nonnihil auxilii promittere videantur, ea adhibeamus necesse est.

Cum quaedam systematis irritabilitas evidenter adsit, a contentis ventriculi morbidis oriunda, consilium primum est huic, vomitum eliciendo, quam primum occurrere. Guttae vini antimonialis pauculae, vel drachmae solutionis tartari emetici duae, vomitui in puero movendo sufficient. Tartarus emeticus potius adhibendus; cum vinum antimoniale saepiuscule vitiatum sit, aegrotumque torminibus excruciare queat. Emeticum praeterea partes laxantis forsitan aget, et ita primas vias contentis suis exonerabit: “De utilitate hujusce curandi viae, inquit D. Armstrong*, nullus omnino dubito, fructum ejus summum non raro inter medendum expertus. Si pueris, protinus

a

* Diseases of children, p. 39.

a partu, emeticum lene pro cathartico dare, et, necessitate poscente, reiterare, medentes solerent, illis magis prodesset, et multo minus defatigationis inferret." Quinetiam, emetica vi diaphoretica pollent, quod plurimum in hoc morbo prodest; commoneo igitur, ut iterum iterumque praescribas.

An sanguinis missio in morbum aliquid potest? Si puer validus et vigore plenus sit, quam copiam duae tresve hirudines systemati detraherent, ea nihil fortasse noceret. Quando vero sanguinem emittere, quando scalpello abstinere conveniat, macularum color morbique stadium indigitabunt. Si morbus levior sit, et ore contineatur, haec remedia sola curationem fortasse perficient, alvo pueri, prout necessitas depostulabit, enematis subinde laxata.

Hic morbus autem aliquando malignus evadit; et signa accedunt, quae magnam putredinem subesse testantur, cui ut potenter occurras, ad antiseptica, et corticem Peruvianum potissimum, statim confugiendum. Tincturam corticis, cibo pueri admistam, apte dabis; vel alvum, quoniam os exulceratum acutissime non raro dolet, enematis, ex decocto ejusdem simplice conflatis, subduces. Enemata saepius adhibeantur, et gargarismata cum caeteris medicamentis confociantur, oportet. Tinctura rosarum aut corticis Peruviani ex aqua diluta, mel rosarum, aut album vitriolum aqua solutum, in fauces pueri syphunculo crebrius injicienda; vel os iisdem, ope spongiae, humectandum. Emplastrum epispasticum parvulum,
inter

inter scapulas admotum, quoque proficiet. Cum crustae arefcere et decidere coeperunt, nutrix infantis ori subinde digitum inferat, et materiam, quae in crustas abierit, frictione leni resolvat.

Si dotes lactis, quo infantulus nutriatur, insalubres esse, morbumque movere, plane videantur, nutrix, propterea quod valetudine commoda non fruitur, statim dimittatur, et sana, cujus lac omni vitio vacet, quamprimum quaeratur.

C A P. II.

DE HYDROCEPHALÒ.

Hydrops capitis, vel aqua intra vel extra cranium collecta, Hydrocephalus audit. Humor cranium inter et ejus membranas externas vel internas, quolibet vitae tempore, coire potest. In spatium inter cranium et meninges cerebri, rarius in adultis, saepius in infantibus, confluit. Foetus aliquando hoc morbo laborat, magnitudine capitis in tantum adaucta, ut modo difficillime, modo nequaquam nisi auxilio prudentissimo adhibito, aquave capitis emissâ, ex utero excludatur. Hoc vitium infantes non diu a partu frequenter invadit. Summa igitur cura, sub hoc temporis articulo, adhibenda, ut recens deprehendatur. Hoc vero rarissime contingit; cum infantuli tenelli dolores

dolores et molestias suas, signis fatis manifestis, enunciare et patefacere nequeant.

Morbus hicce duplex habetur ; viz. exterior et interior. Hydrocephalus exterior est aqua, in tela cellulosa, cutem inter et pericranium collecta. Nec saepe infestat, nec multum periculi infert. Hanc speciem morbi solam notarunt antiquiores ; ut a verbis Celsi * nitidissimis colligere licet : “ Ubi humor autem cutem inflat, eaque intumescit, et prementi digito cedit, *ὑδροκεφαλον* Graeci appellant.” Denuo subjicit, “ Quod humorem in caput contrahit.” Igitur, speciem alteram illos, magna ex parte, aut omnino, latuisse patet. Petit †, chirurgus accuratissimus, se hydrocephalum interiorem solum vidisse testatur. De hoc nunc quaedam dicenda.

Morborum omnium, quibus infantes obnoxii, nullus hydrocephalo gravior aut funestior. Hunc efficit aquae serive, seu inter meninges cerebri, seu intra ventriculos cerebri ipsos, congestio.

SIGNA. Prima hujusce morbi lethalis indicia sunt, appetitus prostratus, pallor, emaciatio. Febris plerumque adest, irregularis, et saepius intermittens. Pulsus arteriarum celeres aequabilesque : A centum decemque, ad centum triginta vel plures usque intra minutum, pro diversis exacerbationibus, quas febris singulis diebus subeat, enumerantur. Infantem non-

D

nunquam

* Lib. IV. cap. 2.

† Memoires de l'Academ. des Sciences, 1718.

nunquam invadunt vomitus, dolorque verticis, qui ad frontem sensim sese diffundat, cui manum aeger misellus saepius admoveat. Genarum altera vel utraque rubescit; os maculis aphthas reddentibus obducitur: Haec autem symptomata nonnunquam absunt. Venter plerumque adeo astrictus est, ut cathartica difficiliter agant. Oculi lucem ferre nequeunt. Aegrotans, inter dormiendum, subilit, maxillasque inferiores interdum motat. Haec signa primum morbi stadium plerumque designant.

Alterum, vestigiis enim Whyttii*, qui tria notaverit, infisto, symptomatis omnibus ingravescentibus insignitur. Arteriae, quarum motus, primum per stadium, celeres et regulares, nunc tarde et inaequaliter, nec saepius, intra minutum, quam octogies vel nonagesies, micant. Infans, somni et quietis expers, vigiliis et delirio nonnunquam exagitur. Plo-rat ejulatque. Sub hoc stadium, oculis limis intuetur; quaecunque contemplatur duplicia videntur. Spiritus magnopere foetet. Symptomata, stadio tertio incipiente, mutant.

Aegrotus, antea vigiliis multum vexatus, nunc comate et sopore obruitur; pulsus arteriarum celerrimi fiunt; pupilla unius vel utriusque oculi magnopere dilatatur, et se contrahere, candela vel quolibet lumine propius admoto, recusat; quod morbum a quolibet alio clare fecernit. Oculi tandem plurimum rube-
fcunt,

* Vide Treatise on the Hydrocephalus.

ſcunt, futurae cranii a ſeſe diſſociantur, palpebrae convelluntur; ſyſtematis univerſi convulſiones accedunt; quae omnia mortem appropinquare teſtantur.

CAUSÆ. Omnes fere hydropes originem ſuam a ſero e vaſis effuſo, vel a ſecretione humoris lymphatici in aliquo organo cavove corporis, praeter conſuetudinem adaucta, trahunt. Cauſae eorundem pro ſedi-
bus, quas occuparint, diverſis variant. Hydrocephalus autem a cauſis ſequentibus oritur: 1. A debilitate * cerebri vel laxitate, unde copia ſeri major intra ventriculos ab arteriis exhalantibus ſecernitur, quam venae lymphaticae valvuloſae abſorbere, et ad maſſam ſanguineam revehere, poſſunt.

2. A cranii ante vel poſt partum compreſſione, a pileolis, ſaſciisque quibuſlibet, caput pueri nimis conſtringentibus.

3. A glandulae pituitariae, vel cujuſvis alius cerebri partis, ſchirro, qui munus vaſorum abſorbentium conturbat, aut exerceri vetat. Hae cauſae hydrocephalum interiorem movere conſueverunt.

4. Ab injuria capiti puerili, ex caſu ſimilive, per incuriam nutricis, illata. Hinc partis capitis exterioris fere ſemper contuſio fit, et concuſſio, quam cerebrum forſan ſimul ſubeat, in cauſa nimiae humoris intra ventriculos cerebri ſecretionis eſſe poteſt; cujus exempla complura paſſim apud auctores offendes.

RATIO

* Vide Whytt. et Aſtruc.

RATIO MEDENDI. Hydrocephalus plerumque funeste finitur, et adeo non medicinae paret, ut nulla vel paucissima exempla proferri queant, ubi ex toto sublatus sit. Whyttius, cui multi hoc morbo laborantes ad curationem traditi fuerint, se nullum ad sanitatem perduxisse fatetur. Watsonius † autem cujusdam aegroti, qui sponte naturae sanatus sit, casum commemoravit. Si vero diversos auctores, qui hoc argumentum fusius tractarint, nempe Swietenium, Fothergill, Astruc, aliosque, evolvamus, nec minima quidem spes eventus prosperi fovenda est.

Nunquam autem de republica desperandum. Igitur, si morbum nondum longe provectum deprehendi contingat, sanationem illius excretionibus diversis, ut derivatio et revulsio a capite fiat, promovendis aggrediari oportet. Huic autem consilio respondent,

I. EMETICA. Cum hydropes adultiorum vomitu spontaneo nonnunquam tollantur, excretio humorum ventriculi adaucta revulsionem a cerebro forsitan, ex aliqua parte, conciliabit. Hoc autem vomitus ab arte petitus rarissime praestat; nonnihil aquae tamen, actionem absorbentium intendendo, in vias circuitus sanguinei rursus reducere poteris. Solutio tartari emetici fortior huic consilio probe respondet, frequenter, prout vires infantuli sufferre queant, sumenda. Vomitus autem haud saepius justo movendus, ne vires
infantis

† London Essays, vol. IV. p. 321.

infantis exinde debilitentur, et omnia symptomata graveſcant. Sydenhamius *, in hydrope curando, fiduciam in emeticis, praefertim ſi poſtea alvum quoque purgarent, ſummam collocavit. Sin hoc non praefi-
terint, cathartica illis admifcenda curavit.

2. CATHARTICA, quae hydragoga audiunt, licet vaſa canalis alimentarii ſecernentia emulgendo tantum agere, nec ulla ſibi propria aquam foras eliminandi virtute pollere fatearis neceſſe eſt; in hoc tamen morbo potiffimum adhibentur.

Ab his auxilium praecipuum petendum; et alvus aegroti dura, ut primo quoque tempore dentur, plane requirit. Venter infanti, in hoc morbo, nonnunquam adeo aſtriſtus eſt, ut catharticum, quod adulto ſufficeret, illum movere nequeat. Quocirca ad medicamenta magis draſtica decurrendum eſt; qualia ſunt jalappa cum mercurio, rhabarbarum cum paucis aloës granis, confociata. Syrupus de rhamno, ſi genuinus et ab omni vitio immunis ſit, infantes facile et abunde purgat. Enemata ex ſolutione cremoris tartari vel tartari emetici fortiore adhibenda, et in alvum ſaepius immittenda. Nec hiſce purgantibus draſticis, ob periculum ex uſu illorum oriundum, cum infantes revera facilius, quam adulti, ductionem alvi ferant, abſtinendum eſt; fatius enim remedium anceps, infantulo morbo graviffimo conflictante, quam nullum experiri.

3. Diu-

* Traſtat. de Hydrope.

3. DIURETICA. Haec autem, praesertim in infantibus, effectus longe diversos edunt. In anasarca quidem, aut ascite, aliquando proficiunt; sed, ne in auxilium hydropis cerebri non satis prompta sint, haud parum timendum. Perspiratio obstructa hydropem saepius intendit; diaphoresin igitur vestibis idoneis leniter moveas necessum est, quamvis sudorem in pueris elicere nequaquam conveniat.

Non ita multum praesidii ab aliis remediis, qualia epispastica, fonticuli, frictio, et caetera, sperandum. Sin autem humorem pone aures infantis, vel ex tota capitis superficie, exsudentem conspicias; hunc, ante omnia alia, non absque aliquo mali levamine, frictio evocare * valebit.

Infantulus, inter initium morbi, lacte materno alendus; quam primum vero nec amplius fugere, nec cibum idoneum sumere, poterit, ad enemata nutrientia statim confugiendum.

C A P. III.

DE RACHITIDE.

QUIBUS pueris debilibus et valetudinariis ossa incurvescunt, vel juxta extrema sua, absque dolore, exulceratione, vel carie, intumescunt, hi rachitide laborare dicuntur.

* Swieten aphorif. 1217.

dicuntur. Rachitis autem a conformatione prava solidorum natali et ingenita, vel a laxitate eorundem, per nutritionem incuriosam, infantibus illata vel aucta, proficisci videtur.

De prima hujusce morbi origine posteris longe diversa prodiderunt scriptores. Glissonius*, qui rachitida fusius executus est, circa annum 1620 primum invasisse sibi persuasit; et in eandem fere sententiam Boerhaavius† illustrissimus concessit, ut ex hisce verbis evidenter et aperte patet: “ Medio fere labente seculo decimo sexto, in mediterraneis Britanniae, primo ortus est morbus novus, qui Rachitis appellatur.” Hos autem auctores primus morbi exortus ex toto latebat; et hoc haud dubie viris celeberrimis Culleno et Monroio, eum arthritidi aequalem esse, licet antiquiores, quos minus, quam recentiores, exercuerit, non verbis depingendum curarint, assentiendum est. Si monumenta antiquitatis studiosus evolvas, nomina probrosa, qualia sunt *Tuberosi* at *Frontones*, quae rachitide laborantes plane designant, saepius offendes; et neminem aliquos vetustiorum deformitate corporis laborasse fugit: Unde, morbum nec Graecis nec Romanis ignotum fuisse, cogi et effici possit. Quo tempore in Anglos primum invasit, eodem simul per universam Europam, frigore hyemali praeter consuetudinem intenso, sese diffudit.

SIGNA,

* De rachitide, p. 3,

† Aphor. 1480.

SIGNA. Rachitis circa septimum, octavum, novumve mensem a partu, tempore fere dentitionis, accedit. Aequalis et apta partium corporis multarum compositio vel symmetria sensim vitiatur, cutis relaxatur, abdomen flaccescit. Musculi tabescunt, articuli brachiorum, manuum, crurum, pedumque, nec non ossium epiphyfes, praeter modum augefcunt. Ossa plurimum aliquando debilitata molem pondusque corporeum sustinere nequeunt; hoc vero potissimum in pedibus fit. Spina magnopere distorta varias curvaturas efficere consuevit; unde nomen Rachitis, Graece *ρως της ραχιδος*, i.e. affectio spinæ dorsi, deductum est. Febris hæctica saepius adest, anima foetet. Puer cibum respuit, assidue fere plorat, et caput suum, musculis et vertebriis colli vi naturali defectis, aegre sustentat. Qui cum morbo diutius colluctatus est, plerisque aequalium suorum sagacior et ingeniosior habetur. Cum malum a temperamento corporeo delicato, cui multum debilitatis accesserit, ortum sibi deducat, mobilitas hinc oriunda forsitan in causa est, cur rachitide laborantes caeteris iudicii acumine praeferre soleant. Igitur, si puer articulatus et distincte prius loquatur, quam ambulare possit, metus est, ne morbus illum jam occuparit. Contra, exempla complura extiterunt, in quibus mens non constiterit, et fatuitas miseranda cum rachitide consociata fuerit.

Morbus bene provectus tussi, respiratione difficili, interdum aphthis, nervorum distensionibus, morte, stipatur. Corporibus hoc morbo extinctorum incisiss,
hæc

haec in conspectum anatomici sese dare consuerunt : Hepar magnitudinem naturalem longe excedens, glandulae mesenterii obstructae, humor intra abdomen et thoracem collectus, pulmones magnopere laesi, venae jugulares, praeter solitum, auctae, immodica aquae intra ventriculos cerebri copia, ossaque ipsa ad molli-
tiem cartilaginofam quam proxime accedentia *.

CAUSAE. Firma corporis constitutio a primis forsitan flaminum vitae rudimentis oritur, et ex debili validave eorundem structura valetudo, per totum vitae curriculum, adversa vel commoda pendet. Unquamne pueri rachitide laborantes nascuntur? An morbus a labe haereditaria profluit? Causa quidem gravis non deest, cur caput mole, praeter naturam, auctum fuisse, et partem illi aliquam, a partu usque, prominuisse suspicemur; licet morbus circa tempus dentitionis potissimum se manifestet. Quidam omnino haereditarium esse contendunt; caeterum parentes sani pueros debiles et rachitide afflictos; contra, morbo distorti sanos, aliquando progignunt. Nihil autem, me iudice, obstat, quo minus, in filiis rachitide conflictantium, et luxuriae deditorum, feminium morbi firmiter inhaerescat. Num rachitis ab abundantia acoris morbidi proficiscitur? Quidam pueri quibus animali cibo vesci concessum sit, tam morbo, quam alii, laborant; quique lacte vaccino, quod minus quam humanum ad alcalescentiam proclive, victitant, haud,

E

ante

* Vide Glisson, p. 9.

ante alios, illi patere solent. Nec antacida caeteris in curatione perficienda remediis praestare compertum habemus. Acor quidem aegrotum fere semper infestat; sed effectus potius quam causa morbi esse videtur. Boerhaavius sobolem plebeculae, quam divitum, huic morbo minus objici putat: Ast observatio quotidiana rem longe aliter, saltem apud Britannos, sese habere testatur; si enim incolas urbium magnarum satis diligenter contempleris, eundem in pauperculos, praesertim munditiarum incuriosos, et in domibus frigidis humidisque agentes, maxime saevire comperies. Sordes igitur, praesertim cum frigore et madore conjunctas, partes hoc in morbo ciendo non contemnendas agere censemus. Cum dentes rachitide laborantibus tarde et difficulter oriantur, morbum ex aliquo vitio in ossium conformatione magnopere pendere satis aperte constat. Hoc autem in defectu materiae alimentariae, a debilitate organorum assimilantium oriundo, vel in quadam facultatis nutritivae conditione, quae obstat, quo minus succi, ad ossa alenda a natura destinati, rite parentur, consistere videtur.

Indolem profecto vitii facultatibus nutritivis illati adeo nocte caliginosa premi, ut ingenium nostrum imbecillius illi patefaciendae ac illustrandae prorsus impar sit, haudquaquam inficiamur.

RATIO MEDENDI. Causis rachitidis aliquantulum expositis, proximum est, ut quaedam de curatione dicamus. Consilia autem curandi duo sunt: I. Causas remotas sedulo vitare. II. Vires systemati reddere.

I. Causas

I. *Causas remotas sedulo vitare.*

Cum humor aëri frigido adjunctus et immunditia ad morbum movendum tantopere conferant, curationem, nisi haec omnia studiose vitaveris, non posse perfici liquet. Omnis igitur nutrix materve infantem suum a fordibus, lavatione aquae saepius adhibita, et indusiis ac vestimentis illi subinde mutatis, quam diligentissime tueatur, necesse est. Quemcunque rachitis male habet, indusia lanea geret, quae non solum, ut a frigore tutus sit, efficiunt, sed diaphoresin continuam, qua nihil melius aut optabilius in hoc morbo contingere possit, leni cutis frictione movere solent. In cubiculo sicco ac modice calido aegrotus habeatur, et calceamentis ac tibialibus, ob causas supra positas, absteineat.

II. *Vires systemati reddere.*

Emetica lenia et laxantia ad tonum canalisi alimentarii conservandum necessaria sunt. Quod emetica spectat, motum ventriculi cient, et eundem materia qualibet acida, quae, licet morbum non faciat, noxam tamen inferre possit, exonerant. Huic autem consilio drachmae tartari emetici paucae, post intervalla quaedam reiteratae, probe respondent. Ne serosa colluvies in intestinis diutius stagnet, ad purgantia decurratur oportet. In hoc vero propositum, ante omnia alia medicamenta, accommodatus est pulvis rhabarbari, quippe qui cum vi laxante tum astringente polleat.

Ex

Ex remediis tonicis, quae hic morbus potissimum requirat, optima sunt, cortex Peruvianus, balneum frigidum, et exercitatio.

Quidam Entem Veneris, Flores Martis, Chalybeata, &c. in morbum non parum posse contendunt, et medicamenta alia alii, ut sola, venditant; sed cortex Peruvianus omnibus aliis tonicis quibuscunque praestare* videtur. Infusum hujus adhibendum est, vel tinctura cum cibo puerili, qui ex sorbitionibus levibus et nutritimine plenis constare debeat, commiscenda. Boerhaavio de curatione rachitidis agenti †, “num immersio in frigidam prodest?” rogare visum. Experientia autem hodierna hanc admodum proficere testatur; nihil enim non solum morbos infantum, sed adultorum quoque, tam cito et feliciter arcet. “Nihil, inquit Huxhamius ‡, aequè fibras debiles et laxas, ac balneum frigidum, firmat;” quod exempla puerorum debiliū et rachitide laborantium, quos, praeter spem omnium, saepe restituat, abunde demonstrant. Num lavatio frigida, si morbus inveteraverit, adhibenda est? Licet frons prominula sit, et febris leviuscule adsit, nullus tamen dubito, quin ad eam nihilominus tuto et summo cum fructu decurri possit.

Quantum ad exercitationem attineat, quanquam eam in parte hujusce opusculi priori fusius executi simus, paucula tamen hic adjicienda supersunt.

Puer

* Vide Culleni praelect. MS.

† Aph. 1489.

‡ Treat. on fevers, p. 30.

Puer rachitide vexatus, vel nutrici vel matri multum exercitandus, multum agitandus, multum fricandus. Si vires ambulando non impares sint, saepius ambulet. Quidam parentes natos suos, si debiles vel paululum distorti sint, ambulare vel pedibus multum insistere pati nolunt; sed in hoc gravissime quidem erratur: Nam ambulatio crura infirma et incurvata tandem cum recta tum valida reddet. Exercitatio pueris sensim augenda est, donec absque auxilio alieno firmiter insistere et ambulare potuerint.

C A P. IV.

D E D E N T I T I O N E.

HÆC ab omnibus fere periculi plena esse censetur, et multos revera, proh dolor! infantes rapit. An pro morbo tamen habenda? Si ratiocinia tua ab analogia, vel illa facilitate qua dentes animantibus reliquis oriantur, ducas; non morbis annumerandam esse, nec absque ratione, uti videtur, gravissima, concludes. Natura quoque plerumque in corpore humano, nullo dolore sensuve molestiae moto, agere consuevit; caeterum, in dentitione, a modo suo agendi solito nonnunquam longe deflectit.

Dentitio quanquam signis periculosis aliquando non vacaret, nihil tamen exinde noxae lethalis, infante caeteroquin valente ac vigente, exoriturum esse quivis putaret;

putaret; at experientia rem saepius aliter sese habere ostendit. Mors autem infantis haud referenda est dentitioni, sed causae prorsus diversae et nimis vulgari, nempe nutritioni pravae, unde systema infantile adeo irritabile reddatur, ut conamina naturae, ad dentes producendos necessaria, ferre nequeat. Dentitio igitur per sese perpenſa, nisi cum aliis rebus circumstantibus confociata, pro morbo nequaquam habenda.

DENTITIONIS HISTORIA. Dentium rudimenta in foetu, cum mensem quartum nondum excessit, numero viginti, et in membranam vasculosam intra maxillam inclusa, maturrime conspiciuntur. Oculis objecta, molliuscula et spongiosa reperiuntur; brevi vero postea, indolem osseam induere, et mutationes multifarias subire, incipiunt. Processus hiece, ante partum, plerumque peractus est. Dentes circa mensem fere septimum, octavum, nonumve, prorumpunt: Caeterum natura genetrix interdum ab hac norma longius aberrat; aliis enim sub mensem quintum, aliis sub decimum octavum, oriuntur.

Pueri aliquando dentati nascuntur. Quo maturius dentes erumpunt, eo maturius labascunt effluuntque.

In dentitione, symptomata diversa, nonnunquam periculosa, occurrunt. Haec autem in pueris aliis alia sunt, et ex variis rebus, scilicet ex acumine et magnitudine dentis, ex mobilitate infantis, caeterisque, pendunt. Cum gingivas contrectando exploramus, spongiosas

giosas aut parenchymatosas offendimus. Quae membranula illas involvit, si fides sit auctoribus habenda, haud admodum sensibilis est; irritata vero, praesertim stimulo mechanico, aequae ac pleura aut periosteum, vel pars alia quaelibet, inflammationi patet. In infantibus, systema nervosum, caeteris paribus, quam in adultis, mole amplius esse videtur; ideoque injurias, quae adultiores haudquaquam moverent, persenscant necesse est. In hoc autem pueri inter sese mag-nopere discrepant: Alii enim ex morfu pulicis, vel ex stimulo quolibet hujuscemodi leviusculo, in convulsiones abripiuntur; dum alii, contra, noxam ne minimam quidem exinde percipiunt. Ita nonnulli, absque dolore vel molestia, dentiunt; dum alii vita excedunt, vel aegerrime restituuntur. Dentes mox ori-turos esse demonstrant gingivarum calor, dolor, ruborque. Idem quoque ex vagitu pueri continuo, et ex digito ejus parti affectae saepius admoto, innotescit.

Cum dolor intensior glandulas salivarias assidue stimulet irriterque, saliva exinde, quantum ad copiam attineat, nimia ac nociva secernitur; cujus deglutitio perpetua, alimento simul ob ventriculi debilitatem parum concocto, diarrhoeam fere progignit. Pruritus meatus auditorios infestat; ex quibus, prout etiam ex oculis, humor sanguineus nonnunquam effertur. Caeterum aliquando symptomata magis periculosa accedunt; qualia sunt, alvus astricta, febris concitata, oris inflammatio, aphthae faucibus obductae, convulsiones.

RATIO

RATIO SYMPTOMATUM. Cuinam vero causae, quae sumus, haecce symptomata attribuenda? De hoc nondum inter medicos satis firme consensus. Distensio autem et laceratio nervulorum, ex dente per gingivas earumque membranulas viam sibi mechanice patefaciente oriundae, pro causa proxima, sicut opinor, signorum principum habendae sunt. Hoc revera dolor confopitus, et caetera symptomata sublata, gingivis incis, et exitu libero denti concessis, demonstrant.

Auctor ingeniosus *, qui nuperrime de dentibus satis fuse conscripsit, hac actione dentium mechanica repudiata, theoriam novam in medium protulit: “Gingiva, inquit, haudquaquam pressura mechanica discinditur; caeterum irritatio, et inflammatio exinde nascens, gingivam partis affectae paulatim atterit extenuatque.” Nec non subjicit, “Solida labefacta absorbentur, non in pus convertuntur.”

Haec autem theoria, quamvis singularis et ingeniosa, nequaquam tamen arridet. Si quidem profecto gingivarum attritio vel extenuatio dentem suboriri sineret, haec utique per frictionem gingivarum inter sese mutuam necessario peragenda foret; quod haud dubie dolorem majorem exfuscitaret, quam infans perferre posset.

Porro, si res ita sese haberet, infantes singuli, priusquam gingiva extenuaretur et dentes prorumperent,

* Hunter on the teeth, p. 80.

rent, inflammationem, procul dubio, subirent: At vero complures, absque ullo dolore vel molestia, dentire consueverunt. Insuper, membrana, gingivis circumvoluta, frictione crassa fieret, morbumque augeret. Constat enim, quo magis pars corporis humani quaelibet frictioni subiecta fuerit, eo magis rigidam crassamque evasuram esse. Quinetiam, aliam doloris causam suppeditat incrementum dentium inaequale. Si quando enim maxilla dentibus paucioribus, absque ordine sparsim prominentibus, instructa fuerit, dentes futuri tardius enascantur oportebit, utpote qui, a dentibus hinc inde impediti, ad perpendiculum oriri nequeant.

R A T I O M E D E N D I.

In dentitione difficili bina curandi consilia sunt :

- I. Violentiam symptomatum compescere atque levare.
- II. Auxilium denti, viam sibi per gingivas aperienti, subministrare.

I. Violentiam symptomatum compescere atque levare.

Sub primo dentitionis stadio, dum gingivae dolore et calore minimo afficiuntur, pauxillum laudani vel syrupi papaverum, parti laboranti digito nutricis admotum, ad dolorem sedandum magnopere conferret. Emeticum, ad ventriculum contentis suis acidis et superfluis exonerandum, subinde necessarium evadit;

F

praesertim

praefertim cum infans plus lactis ab uberibus maternis saepius exfugat, quam rite concoquere possit. Huic autem consilio tartarus emeticus, portiunculis parvis, uti supra comprehensum, datus, optime respondebit.

Sub hoc rerum articulo, natura gingivas leviuscule premendas esse demonstrat. Animalia juniora gingivas arborum ramusculis tenerioribus imprimunt; infantuli vero suis digitulos admoveere consueverunt.

Eo consilio, nonnulli corpora duriuscula, qualia corallina, sive metallica, cincturis infantium appensa, collaudarunt. Caeterum, periculum est, ne haec, prae duritie nimia, gingivis infantuli noceant. Digitus nutricis, sive panis bis coctus emollitus, aut candela cerea, substantiis quibuscumlibet aliis praestare videtur.

Mater unaquaeque, per hoc tempus, a munere nutritionis abstinere debet; ne lac, ex animi moestitia, quam, infantulo suo aegrotante, penitus exuere nequeat, sibi immutatum, curationis progressum retardet. Vicem maternam nutrix sana praestabit; quae, si inflammatio gingivarum graviter urgeat, victu parciori utetur.

II. *Auxilium denti, viam sibi per gingivas aperienti, subministrare.*

Cum symptomata ingravescent, cum inflammatio, febris, et convulsiones, aegroti periculum intentant, ad remedia magis efficacia confugiamus oportet.

Sanguinis

Sanguinis missionem Sydenhamius et Harrifius * laudibus concelebrarunt. Hirudines binae, infra aurem utramque admotae, sufficient; vel, si opus fuerit, tres quatuorve sanguinis uncias brachio detrahare licebit. An epispastica adhibenda? Prout evacuantia quidem applicari possunt; sed irritatio, quam creare soleant, ab usu illorum temerario medicos abstertere debet. Vescicatorium parvulum vero pedibus admotum, quo revulsio a capite fiat, in auxilium forsitan advocari queat; huic tamen pediluvium calidum, diutius continuatum, palmam praeripiet. Alvus, si dura sit, purgantibus lenioribus, qualia rhabarbarum, sena, &c. vel enematis, prout occasio postulat, solvenda.

Sin haec remedia infantem non sublevarint, subsidium extremum praestat scalpellus, quo gingiva incidenda, et exitus denti conciliandus. Ambrosius † Parey hanc curandi rationem in medicinam primus invexit, et in uno ex filiis suis feliciter exercuit. Nonnulli vero rejiciunt, 1. Quod incisura gingivae, ut dentes inaequaliter oriantur, efficiet. Nonne hoc autem in dubio versatur? An incommodum hujusmodi jacturae infantis aequiparandum; praesertim cum natura, paucis annis elapsis, alios dentes in horum vicem suffectura sit? 2. Quod, ut aiunt, dentes, hac ratione curandi adhibita, facilius effluent, citiusque labascent. Hoc vero meram hypothesein redolet. 3. Quod, operatione instituta, puero convulsionem inferuntur.

Dubium

* De morbis infantum acutis.

† P. 584. folio.

Dubium autem videtur, utrum dolori, quem dens exfufcitet, an incifioni, magis assignandae fint; ab hac tamen oriri ponas, brevi decedent, et infans faustum scarificationis fructum percipiet. Itaque, prout videre licet, ratiocinia incifuris adverfantium nullum omnino pondus habent, nec ab earum periculo faciendo quenquam abfterrere debent.

Difficultas maxima in loco rite dignofcendo vertitur, in quo operatio instituenda fit. Hoc autem designato, dentis acumen, five tuberculum albidum, plagis leviufculis, ope lanceolae, vel, quod praefaret, fcalpelli, incidendum: Periculum enim eft, ne per lanceolam partibus contiguis vulnufcula inferantur. Post incifionem peractam, inflammatio brevi fubfidit, et dens more confueto crefcere pergit.

Si, inter fymptomata dentitionem concomitantia, inflammatio, praefertim' tumore aliquantulum infigni ftipata, quamlibet partem corripiat, incifio plane depofitatur. Cum violentia fymptomatum ex impedimento quovis, ab inaequalitate dentium vicinorum oriundo, pendeat; incifura prorfus omiffa, ad extractionem dentis, unde noxa fluat, protinus confugiendum.

F I N I S.